



**Corpus Juris Canonici, Per Regulas Naturali Ordine
Digestas, Usuque Temperatas, Ex Eodem Jure, Et
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac
delectu, in contrariis conciliatione, eximium, simulque Indicibus ac
Præfationibus, Notisque quamplurimis & exquisitis illustratum, ; In Tres
Tomos divisum

Complectens Prolegomena Ad Jus Canonicum In Se Et Universim
Consideratum

Gibert, Jean-Pierre

Coloniæ Allobrogum, 1735

Cap. III. Quæstiones circa ipsas Juris Canon. Regul.

[urn:nbn:de:hbz:466:1-74413](https://nbn-resolving.de/urn:nbn:de:hbz:466:1-74413)

timorat quodcumque in via Dei appareret devium expavescunt. E. C. 4. §. Sancte. Clem. 1. de verb. signif.

XXXVIII. Sanctius est paucos Bonos habere, quam multos Malos.

C. 14. de etat. & qual.

Hinc, Qui praest, Subditorum probitati, quam multitudini magis attendat.

REGULÆ RATIO. Si Cœcus Cœcum ducat, ambo in foveam cadunt; ut à Bonis bonum sperandum, sic à Malis malum timendum; Arbor bona bonos fructus facit, Arbor mala malos. MATT. C. VII.

XXXIX. Eo quis corripiendus est modo, quo peccavit, clam, si clam; palam, si palam peccavit. C. 19. Caus. II. Quæst. I.

REGULÆ RATIO. Alioquin injusta vel vana correctio: injusta, si publicè arguatur privata culpa: vana, si clam corrigatur delictum publicum, natum enim ex delicto scandalum non auferatur.

XL. Benè loquendo inimicitia extinguenda (adendum) & beneficiando.

C. 88. Caus. XI. Quæst. III.

REGULÆ RATIO. Malefactis & Maledictis inimicitiæ generantur; atque contrarium contrario curatur.

XLI. Integritas Præsidentium, Salus est Subdorum, totius Familiae status & ordo nutat, si quod requiritur in Corpore, non inveniatur in Capite.

C. 5. Dist. II.

REGULÆ RATIO. Quod à Prælatis agitur, facile trahitur à Subditis in exemplum C. 7. de voto &c.

XLII. Cum duo occurrent peccandi pericula, majori minus præferendum est.

C. 4. 7. Caus. XXII. Quæst. IV. C. 1. 2. 20. Dist. XIII.

Hinc, si quæ Mulier falso existimet, vitam sibi vel Familiae servandam furto vel adulterio, furtum adulterio præferat. Si quis juramentum illicitum servandum putans, perjurio vel homicidio exponatur, quod ex his peccatis sibi minus videtur, eligat. Nullus autem in similibus casibus esse potest, nisi ex ignorantia vincibili, quæ ideo à peccato non excusat. Exemplum istud est in Can. 1. 2. cit. In 2. vero sunt alia, quæ ad rem optimè faciunt.

REGULÆ RATIO. Quod maius est periculum, eò maius est malum, ideoque magis vitandum.

XLIII. Injusta Justi maledictio, ut præmium est habenda.

C. 89. Caus. XI. Quæst. III.

REGULÆ RATIO. Prodest patienter ferenti, præbet siquidem merendi materiam, ideoque præmium recipiendi.

XLIV. Alienum possidere videtur qui partis non utitur, vel male utitur.

C. 11. Caus. XIV. Quæst. IV.

REGULÆ RATIO. Rebus suis Bonus utitur, & bene utitur; alieno autem uti non audet: Malum vero permitit Deus alieno abutiri, & necessario illius usu interdum ex avaritiâ abstinerere, idque in poenam peccati, quo alienum retinet.

XLV. Sana Ratio Exemplis est anteponenda.

C. 11. d. 9. Eadem est ac 20. hujus Tituli.

REGULÆ RATIO evidens est; Exempla siquidem sana Rationi contraria, prava sunt, proindeque non sequenda.

XLVI. In Dubiis & Obscuris sequendum est, quod nec Præceptis Evangelicis, nec SS. Patrum Decretis contrarium est.

C. 2. Dist. IV.

Dubitatur v. gr. an omne Mutuum esse debeat gratuitum; fundamentum dubii est, vel numerus, vel autoritas Doctorum, vel rationum pondus, quibus ostenditur ex una parte, solum Charitatis Mutuum gratis dandum, & ex aliâ, id omni Mutuo con-

venire: in hoc dubio non est sequenda prima opinio, ut potè contraria Præcepto Evangelico, Date nil inde sperantes, quod absolutum & generale est, ac SS. Patrum Decretis, quæ in hoc inter Mutua non distinguuntur.

Quod in Regulâ dictum est de SS. Patrum Decretis, ad ea restringendum est, quæ Sacrorum Librorum Decretis adversari non videntur.

REGULÆ RATIO. Scripturæ autoritas potior est, quam cuiusvis alius.

XLVII. Non est à rectâ viâ recedendum propter Perditorum convitia.

C. 10. Dist. XLVII.

REGULÆ RATIO. Qui vult Hominibus placere Malis, Christi Servus esse nequit. ibid.

XLVIII. Inferioris Culpa imputanda Superiori, qui, cum possit, illam non impedit.

C. 1. 3. Dist. LXXXVI.

REGULÆ RATIO. Facientis culpam procul dubio habet qui, quod potest corriger, negligit emendare. ibid.

XLIX. Ex rerum usu judicandum non est, an bone, malæ sint.

Vid. 99. Regul. Commun. C. 9. Caus. XIV. Quæst. V.

REGULÆ RATIO. Potest quis re malâ benè, bonâ malè uti.

L. Cum Honoris augmento, cura Sollicitudinis crescere debet, ut vestium cultui actionis ornamenta convenient.

C. 9. Dist. C.

REGULÆ RATIO. Honor est laboris stimulus, sicut & merces.

LI. Rationis ordo exigit, ut, qui sibi vult, ab alio justitiam exhiberi, ei non debeat, quod justum est, denegare.

C. 3. de mutuis petitionib. in 2. Collect.

REGULÆ RATIO. Diliges Proximum sicut te ipsum; qui Proximo negat, quod ab eo exigit, exemplo suo ad denegandum movet.

C A P U T III.

Questiones circâ ipsas Juris Canonici Regulas.

Circâ has Regulas, ista duo tractanda supersunt,

1. Quæ sit illarum connexionem cum reliquo Jure Canonico. 2. Quæ sit illarum connexionem cum Jure Naturali: Utrumque autem paucis expedietur.

Ad 1. ergo dicendum, 1. ipsas Juris Canonici Regulas nullam habere connexionem cum illâ hujus Juris Parte, qua Fidei Dogma tangit; qualis est quæ de Fide Catholica, Summâ Trinitate, & de Sacramentis tractat; nulla est siquidem istarum Regularum, quæ Fidem respiciat, unde fit, ut ferè nullam etiam habentem connexionem cum illâ Juris Parte, quæ Mores spectat, quatenus Fide reguntur, qualis est quæ circâ Sacra menta, similiaque supernaturalia, præcepta tradit. Refringitur posterior Pars hujus observationis propter istas Regulas. 1. Malæ fidei Possessor numquam præscribit. 2. Non dimittitur peccatum, nisi restituatur ablatum. 3. Venia non datur nisi Correctio: haec enim Regula, aliæ similes contingunt Mores, prout Fide reguntur, cum 1. definitum sit à Concilio Generali Lateranensi IV. C. ult. de Præscript. & deductum sit ex Divo Paulo dicente; *Quod non est ex fide, seu conscientiâ, peccatum est.* Duoque alia sint Axiomata Sacramentum Pœnitentia proximè respiciantia.

2. Istan Regulas connexionem maximam habere cum illâ Juris Parte, quæ circâ Disciplinam versatur, Moresque, prout Ratione reguntur, quæque aliis omnibus longè major est. Omnes etenim, paucis exceptis, directè pertinent, ad Judicia, ad Beneficia, ad

ad Contractus, aliaque similia, circa quæ Disciplina occupatur, nec non & Morum, prout Ratione reguntur, Scientia.

3. Disciplinales Regulas bene multas ad Mores converti posse, ac proinde plurimas Juris Canonici Regulas, hoc in sensu, seu indirecte, Mores respicere, ac consequenter confusam, vel remotam cum Canonibus Moralibus connexionem habere.

4. Memorata tria patere ex facta superius cunctarum Juris Canonici Regularium Collectione in Quatuor divisâ Titulos; nam nulla inter eas circa Fidem, falso expressa, reperitur: circa Mores autem ad plus 80. cetera vero sunt Disciplinales & 170. excedunt: inter istas autem occurruunt plurimæ, quæ ad Mores extendi possunt, ut sub istarum singulis notatum est.

Quoad Connexionem ipsam Juris Canonici Regularium cum Jure Naturali, duplî ex parte illam patere dicendum est; nam 1. indubitatum est, illas esse justas: alioquin, cum sint reliqui Juris Canonici vel Principia vel Consequentia, reliquum Jus Canonicum iustum esset. Si autem justæ sunt, Juri Naturali, primo Justitia creato Fonti, conformes sint oportet.

2. Ratio cuilibet subjuncta illam cum Jure Naturali connecti demonstrat, qualibet siquidem non aliunde, quam ab isto Jure desumitur: Legat & conferat qui dubitat.

His Questionibus adjicienda duæ non minus utiles; nempè 1. *Quomodo utendum sit his Regulis in decidendo?* Ut autem sentiat hujus Questionis utilitas, sciendum est à Regulis quibuscumque noanullos casus excipi, idoque, antequam *Quis utatur, infipere* debet, an casus decidendus per Regulas ab illis excipiatur, eo neglecto periculosa & nonnumquam perniciofa Decisio; Sicut *ULPIANUS* intelligentus, dūm dicit *Quod periculosa sit in Jure Definitio, parumque sit, ut non subverti possit*: hujus enim rei causa est hac Regulis utentis negligientia: Sic quoque *CUJACIUS* interpretandus, dūm asserit *ex Regulis levia & perniciofa argumenta deduci*, probatque exemplis de sumptis ex inconsideratione casuum exceptorum: id enim demonstrat per exempla allata, cùm petuntur ex casibus à Jure expresse excepti. Hinc duo inferuntur: Primum, quod multum interstit Questionis propositæ Decisio; Alterum, quod cuiusvis abusus Regularium vendi ratio melior nulla sit, quam quæ indicata est in hac observatione, nimirum, ne Regula ultra casus in illis præcipue comprehensos extendantur, quod necessarium quoque est in usu cuiuslibet Axiomatis, Aphorismi, Sententiae, Legis, aliisve rei similis. Videſis *CANISII in Regulas 6. Praefationem, Chaffanai Paratilia in Cap. ult. Decretalium, & Cabassutum cap. postremo L. 6. Theoria & Prax.*

Quæſtio ultima, *Quid sentiendum de Commentariis circa Regulas Juris Canonici, quenam aliis preferenda?* LANGLET in Indice præcipuorum Canonistarum & judicio circa illorum Opera, & Editionum collectionem. n. 10. meminit decem Commentariorium de Regulis Juris Canonici, præterque alii illa, quæ à MUCELLANO, PERTO, & CANISIO edita sunt. De 1. autem dicit, quod pro meliori habeatur, quodque cognosci possit quanti valeat ex eo, quod CAROLUS MOLLINÆUS in illud Notas fecerit. De 2. quod magni fiat, sed agatur de re, circa quam non multa legenda; De 3. quod maximo in pretio sit. Initio hujus numeri loquens de Commentario *infolio JOAN. BAPT. NICOLAI* in Regulas utriusque Juris, notat hanc in re sufficere breviores sed præcisas Notas, quibus Spiritus Regula declaretur cum variis casibus in eâ comprehensis. Viam hanc secuti sumus in Collectione, quam damus, quam inchoavimus anno 1700. idoque 15. annis ante citatum Indicem, qui editus est an. 1715. Exstat autem hic Index ad calcem Tomi *Comment. in Libertates eo anno typis recuso.*

CAPUT IV.

Conciliatio plurimorum Canonum, quorum Alii sunt inter Regulas Juris sub hoc Titulo collectas in fine Collectionis GREGORII IX. & Collectionis BONIFACII VIII. Ceteri vero pro Regulis habentur, cum plurimis Canonibus alter-virius generis, qui illis adversari videntur.

*C*ollectis omnibus Regulis Juris, quæ passim vagabantur per Universum Juris Corpus, illis in varia series distributis, additis Exceptionibus earundem, exposito vario, quem exhibere possum intellexi, probatisque ac firmatis nostris expositionibus, necessarium etiam ad absolvendum perficiendumque hoc Opus duximus illas inter se conferre, atque eas conciliare, quæ speciem aliquam oppositionis gerunt, idque pariter exequi circa plures Regulas post hanc nostram Collectionem detectas, quæ simili conciliatione indigere nobis visa sunt, nec non illud Argumentum huc transferre: hæc rejectio nobis facultati dabit tantum expatiandi quantum occasio postulabit, nec cogemur interrumpe connexionem, quam Regulae collecta inter se habent. Secus autem crebris Digressionibus opus fuisset, propter difficultates, quæ solvi nequeunt, nisi multi Canones invicem conferantur, unde Collectio Regularum in prolixum Commentarium defuisse, prodissitque quod ab Operis consilio abhorrebat, in quo intendimus jungere atque ordinare quod in variis locis Juris dispersum atque permixtum est. Semel enim perfecta Collectione, facilius est annotare quid Regulae contrarium habeant, sive Regulas ejusdem seriei invicem, sive Regulas singularum cum ceteris omnibus conferendo: adeoque necessaria est hæc Collatio, ut alia non suppetat via cognoscendi penitus quoisque Canones invicem opponantur; plura hujus rei in cursu hujus Tractatus exempla offendemus.

Licet maxima Pars Regularum Juris Canonici defumpta sit è Jure Civili, ut patet ex laudationibus adjectis, & multò luculentius ex Commentario Canisii in Regulas Sexti, non intendimus Canonicas Regulas cum Civilibus conferre, illaque harum ope exponere: Regulas Canonicas cum Regulis Canonis tantum conciliare nitimur, nullâ Juris Civilis habitâ ratione, speramus fore, ut auxilio illo non indigeamus ad componendos (ut alia factum fuit) inter se Canones, eamque Methodum aggredi eò magis oportet, quod Canones, qui suas dispositiones mutuantur è Legibus Civilibus, eas sapè temperant, præsertim quoties illud æquitas suadet, quo nihil est justius ubi Autores Canonum utramque Potestate Spirituali ac Temporali, conficiant in Regionibus, ad quarum Regimen illos condunt; exceptis iis casibus temperatio Legum Civilium per Canones nullam vim fortitur absque autoritate Principis, nisi Leges illæ Legi Naturali vel Divine advertentur, tū enim Ecclesia declarat tantummodo opportunitatem illam, similique obligationem Deo potius, quam Hominibus parendi. *C. 20. de Prescript.*

Si hunc casum exemeris; Ratio, quæ Leges Civiles à Canonibus temperari approbat, hoc, si de Rebus mere Temporalibus agatur, improbat, alia quippe non est nisi reddendum esse Deo, quæ Dei sunt & quæ sunt Cæsar, Cæsari. Porro hæc Ratio Ecclesiam adstringit ad nihil curandum præter Res Spirituales, quas suscepit, & dimittendas Principi Res Temporales, ad quarum administrationem ipse constitutus est.

Ceterum Regula Juris nos impulit, ut tentaremus eas quæ sibi videntur adversari invicem componere, quæ extat *C. 29. de Elect. in VI. BONIFACIUS VIII.* qui sapè illam adhibet, supponit, illam esse Principium certissimum, cui conſtantier inherendum est eamque velut Fundamentum suæ Definitionis proponit, *Cum expedit Jura Juribus concordare;* & quidem Legum Latores, Novarum aut Veterum Compositores, singulariter attendunt, ne aliquid diffonum irrepit, & suam hanc in re vigilantiam prædicant, ut testan-